

مرکز توزیعی:


باب عالی چاده سیده

( اتحاد تجارت )

کتابخانه سی ایله

( یکی تووکیه )

مطبعه سی



اداره خانه سی:

باب عالی ده

( یکی تووکیه )

مطبعه سی فوقنده کی

دائرة مخصوصه

علمی، ادبی، اجتماعی و شهری مجموعه در .

شرائط استرا:

صاحب، مدیر، محروی:

شرائط تحریر:

هر سنده نك برنجی وایکنجی آلتی آیلغندن اعتباراً آتونه قید اولونور.  
سنه لکی: اون ایکی نسخه اولوق اوزره پوسته اجریتله برابر  
(۱۰۰)، آلتی آیلغی (۵۰) غروشدور. ممالک اجتنیه ایچین  
۵۰ و ۳۰ غروش علاوه سی لازمدر.



ملتك نفعته خادم یازیلر مع التشر قبول ونشر اولونور. یازانك  
شخصیتی دکل، یازانك مادیتی نظردفته آلتیر. کونده ویله جك آتار  
اوقوناقیلر مختصرجه یازیلش اولمالیدور. ککن یازیلردن شایان قبول  
کورولنلر تاریخ صیراسله درج ایدیلیر.

محفل

مجموعه سنک کچن سنه لره عائد و پك چوق معلومات مفیده بی حاوی اولان نسخه لری منتظماً  
دیگیلمش و اوزره لرینه قالین برر قاپاق کچیریلرک مجلد کتاب حالته کتیریلشدر. خیرالانیس  
اولاییله جك بونفیس کتابلردن برنجیسنک موجودی بیتمش، ۷-۱۲ نجی نسخه لری پراکنده  
اولاراق قالمشدر. بهر نسخه سی ۱۰ غروشدور. ۲، ۳، ۴ و ۵ نجی جلدلرک بدلی پوسته اجریتله برابر یوزر غروشدور.  
طوغرودن طوغرویه اداره خانه به داخلدن ۳۰۰ خارجدن ۳۵۰ غروش کونده ریلدیکی صورتده هر درت جلدی یوللانیرم

بر علم مخصوص اولدی. بو کون کیمیانک قاریشادینی ایش قالمامشدر.

دیمک که : قورونتونک بیله حقیقت وجود ایله ولو بر قوه منفیه حالنده اولسون اوزاقدن اوزاغه بر مناسبتی وار. انسان، بوتون قوی وملکاتیه انسان دکلیدر ؟ اوت ، انسانده وهم کی ابطال حقیقته ساعی بر قوت اولماسهیدی بلکهده حقیقتک بودرجه قدری آکلاشیلامایه جقدی. هرکس اوهامه، امیال مضره سنه مخالفتله مظهر هدایت و فضیلت اولمایورمی؟ شیطان بیله بوش یره یارادلمش برشی دکلدرد. وجود اولماسهیدی عدمه اصلا اهمیت ویرن اولمازدی ، شرک اولماسهیدی توحیدک قدزی بیلنمزدی. خزان خلقت، عقلاً محاکمه سنه مقتدر اولامادیغمز حقیقتلرله طولودر. بونلرک بر قسمنه حواسمزله ، بر قسمنه ذهنمزله ، بر قسمنه ده خیالمزله تماس ایدیورز. وهممزله ده تماس ایده جکمز ایشلر یوق دکلدرد. بوقوتلرک بیکلرجه، بلکه یوز بیکلرجه سنه ک مساعی مشترکه متادیه سیله چالیشه چالیشه بر طاقم صورحسیه وفکریه، اشکال خیالیه وقلیه و معنویه آره سنده یورویه یووویه ، صورتلرله چارپیشه چارپیشه بولور. ندیغمز نقطه یه قدر کلش چیقمشز.

دارداغان ذاده

احمد نظیف

### ذی الحجه و محرم غره لری

« ۱۳۴۳ ذی الحجه غره سی »

اجتماع نیرین ۱۳۴۳ سنه سی ۲۹ ذی القعده کونی صباحی اذانی ساعت ایله اون ایکی ساعت، اوتوز اوج دقیقه ده، یاز وسطی ایله طقوز ساعت، اون یدی دقیقه ده. واقع اوله جق، حین اجتماعده ، قر سیرنده بطی اولدیغندن شمس حد معین مرتبه سنده سبقت ایده میه جکندن فوق الافق

آنحق بازار آقشامی بازار ایرتسی کیجه سی اذانی ایله اون ایکی ساعت بر بوجوق دقیقه ده، یاز وسطی ایله طقوز ساعت، طقوز دقیقه یه قدر مکث ایدوب غروب ایده جک، بازار ایرتسی اذانی ایله اوج ساعت، ایکی دقیقه ده و یاز وسطی ایله اون بر ساعت، قرق آلتی دقیقه ده قر، شعاع شمسدن چیقه جق، بازار کونی آقشامی هلالک نوری بیکده یکر می بش بولنه جق، بو وضعیتده بولنه جق اولان هلالک بازار ایرتسی کیجه سی رؤیتی ممکن اوله میه جقدرد.

ذکری کچن بازار ایرتسی آقشامی صالی کیجه سی اذانی ایله اون ایکی ساعت، الی دقیقه یه قدر فوق الافق قر مکث ایدوب نقطه مغیب شمسک درت بوجوق درجه جنوبنده غروب ایده جک، هلالک نوری بیکده سکسان بش بولنه جق، بو وضعیتده بولنه جق اولان هلال، ایکی اوجی جنوبه متوجه و معتدل و منور رؤیت اولنه جق و صالی کونی ۱۳۴۳ سنه ی غره ذی الحجه الشریفه سی اوله جقدرد.

« ۱۳۴۴ محرم غره سی »

اجتماع نیرین ذی الحجه نک یکر می طقوز نمی صالی کیجه سی اذانی ایله درت ساعت، بش دقیقه ده و یاز وسطی ایله اون ایکی ساعت، قرق بر دقیقه ده واقع اوله جق، حین اجتماعده قر سیرنده بطا شدن شمس حد معین مرتبه سنده سبقت ایده میه جکندن قر فوق الافق آنحق صالی کونی آقشامی چهارشنبه کیجه سی اذانی ایله اون ایکی ساعت، یکر می بش دقیقه و یاز وسطی ایله سکز ساعت، قرق سکز دقیقه مکث ایدوب غروب ایده جک، مذکور چهارشنبه کیجه سی اذانی ایله یدی ساعت، اوتوز آلتی دقیقه ده، یاز وسطی ایله اوج ساعت، اون بر دقیقه ده قر شمسک شعاعندن چیقه جق، مذکور چهارشنبه کیجه سی هلالک نوری بیکده اوتوز بش بولنه جق، بو وضعیتده بولنه جق

اولان هلالك چهارشنبه كجهسى رؤيتى فنا ممكن اوله ميه جقدر .

سلخ ذى الحجه اولان مذكور چهارشنبه كوني آقشامى پنجشنبه كجهسى اذاني ايله بر ساعت، اون يدي دقيقه يه ويا زوسطى ايله طقوز ساعت، اللى ايكي دقيقه يه قدر قرفوق الافق مكث ايدوب نقطه مغيب شمسك بش درجه جنوبنده غروب ايدو جك وهلالك نوري بيكده يوزاون بولنه جقدر .

بو وضعيته بولنه جق اولان هلال، ايكي اوجى جنوبه متوجه ايكي كجهك كي يوكسك و آيدينلنى چوق اوله رق كورينه جك و پنجشنبه ۱۳۴۴ سنه سى محرم غره سى اوله جقدر .

بالاده كوسترلديكي وجهله ذى الحجه غره سى صاليدن، محرم غره سى پنجشنبه دن معتبر اولمى حساب نتيجه سيدر . بو غره لرده شهادت ايله حسابك تعارض ايدوب اتميه جكنى زمان بيلديره جقدر .

زداهل فنده معلومدر كه قر شمس قبل الاجتماع اون ايكي درجه تقرينده شعاع شمسك آلتنه كيرو وبعد الاجتماع اون ايكي درجه تباعدنده شعاع شمسك آلتندن چيقار . قر شعاع شمسده بولندينى مدتده نوري، نور شمسده مضمحل ومتلاشى اولور .

بوندن دولايي اجتماع نيرينه (محاق) دينليد . ارباب فندن موصلى ابو منصور سليمان بن حسين (مختار) نام كتابنده «ان يكون [اى القمر] فى المحاق حيث يكون مضمحل النور وهوان يكون بينه وبين الشمس اثني عشر درجة او اقل [قبل المحاق او بعده]» بيوريور . لكن قرك بعد الاجتماع شمسى اون درجه سبقت ايتديكنده نوري اصغرى ۰.۰۵۵ و سيري سريع وعرضى شمالى و بر جى حمل، ثور، دلو، حوتدن بريسي اولمق وهوا براق وكسكين ويا مغموم اولمبوب كشف بولنق شرطيله قرك افقه قريب وزيق كورلمى سائر ارباب فنك تجويز كرده سيدر . سابق متجم باشى

محمد عارف

۲۸ مایس ۱۳۴۱

### « منظومه شمسیه »

محفل مجموعه سنك ۴۱ نجى نسخه سندن اعتباراً فلکیاته عائد یازدیغ مقاله لرک، قارئین کرام طرفدن مراقبه اوقوندیغنی، آلفده بولوندیغ متعدد مکتوبلردن آ کلامقدهیم . بعض ذوات طرفندن ایسه، مجملاً منظومه شمسیه افرازدندن و بالخاصه اسرار انکیز مریخ سیاره سندن کافی درجه ده بحث ایلک کلکم مصرأ رجا ایدلمکده در . بو جدی علاقه دارلق، و بو محق آرزو، بنده عمیق بر تاثیر اجرا ایتمکدن خالی قاله مدی . بالمقابله تشکرله برابر منظومه مزه عائد تفصیلات اعطاسنی کندیمه بورج بیلهرک تقدیمه باشلا یورم :

#### مقدمه :

اگر وارسه ؛ حدودی و نهایی ، خلاق جهانندن غیری به معلوم اولمان فضا ایچنده ، برچوق بیلدیزلرک مختلف لمعانلرله ایشیلداقلرینی هپمز کورمکده یز . حوصله بشرک ادراک ایدمه جکی درجه دهده اوزاق بولونمه لرندن طولایي اوافق برر نقطه کی کورینن بو بیلدیزلر ایسه پک بیوک برر کره اولوب مضی بالذات درلر . لسان هیئتجه بولرله « ثوابت = طورانلر » دینورکه ، بوتسمیه ، پک اوزون زمانلر ایچون یکدیگریله اولان وضعیتلرینی محافظه ایتدکلرندن طولایي در .

حال بوکه ثوابتک هیچ بری حال سکونده دکلدر واساساً فضا ایچنده حال سکونده هیچ برشی یوقدر . جله سی پک مدهش سرعتلرله قوشوشمقده ایسه ده مسافه لرینک بو یوکلکندن طولایي آز زمانده تبدیل موقع ایتدکلری آ کلاشیه مامقده در . بولرک ضیالری دائماً تیره کدر . بر آچیلور ، بر قاپانیور کی کوریلورلر . سبی ایسه ، پک چوق سنه لرده بزه واصل اولان ضیالرینک دائماً حال فورانده